

# 集部輯佚文獻彙編


翟金明

主編




國家圖書館出版社

33



集部輯佚文獻彙編

33



新出 蜀山

新出 蜀山

(三國魏)阮籍撰 丁福保輯

# 阮籍

民國無錫丁氏鉛印《全三國詩》本

# 第三十三册目錄

別集(三十三)

三國(十五)

阮籍 (三國魏) 阮籍撰 丁福保輯 ..... 一

阮嗣宗詠懷詩箋定本一卷 古直撰 ..... 一九

鍾會 (三國魏) 鍾會撰 (清) 嚴可均輯 ..... 一四一

文帝 (三國魏) 司馬昭撰 (清) 嚴可均輯 ..... 一五八

許靖 (三國蜀) 許靖撰 (清) 嚴可均輯 ..... 一六三

孟達 (三國蜀) 孟達撰 (清) 嚴可均輯 ..... 一七〇

蜀丞相諸葛亮文集六卷存三卷 (三國蜀) 諸葛亮撰

序 ..... 一七七

卷四 ..... 一八一

卷五 ..... 一九七

|                              |       |     |
|------------------------------|-------|-----|
| 卷六                           | ..... | 二一三 |
| 蜀丞相諸葛孔明文集六卷 (三國蜀)諸葛亮撰        |       |     |
| 目錄                           | ..... | 一三三 |
| 卷一                           | ..... | 二四一 |
| 卷二                           | ..... | 二六一 |
| 卷三                           | ..... | 二八一 |
| 卷四                           | ..... | 二九三 |
| 卷五                           | ..... | 三〇九 |
| 卷六                           | ..... | 三二五 |
| 諸葛亮 (三國蜀)諸葛亮撰 (明)馮惟訥輯 .....  |       |     |
| 諸葛丞相集二卷附錄一卷 (三國蜀)諸葛亮撰 (明)張燮輯 | ..... | 三四一 |
| 序                            | ..... | 三四五 |
| 目錄                           | ..... | 三五三 |
| 卷一                           | ..... | 三六五 |
| 卷二                           | ..... | 四〇五 |
| 附錄                           | ..... | 四五一 |

全三國詩卷五

無錫丁福保仲祐編纂

魏

阮籍

字嗣宗陳留尉氏人司空記室瑀之子容貌瓌傑志氣宏放初辟太尉掾進散騎常侍大將軍司馬昭欲爲其子炎求婚籍乃醉六十日不得言而止後引爲從事中郎籍聞步兵厨多美酒遂求爲步兵校尉縱酒昏酣遺落世事又對人能爲青白眼由是禮法之士深所讐疾大將軍常保持之有集十三卷

詠懷詩三首

按讀書敏求記謂阮嗣宗詠懷詩行世本惟五言詩八十首朱子詹取家藏舊本刊於存餘堂多四言詠懷十三首云云余歷訪海上藏書家都無朱子詹本今所存四言詩僅三首耳海內藏書家其有以指示之

天地網緼元精代序清陽曜靈和風容與明日映天甘露被宇蓊鬱高  
松猗那長楚草蟲哀鳴鵲鵲振羽感時興思企首延佇於赫帝朝伊衡  
作輔才非允文器非經武適彼沅湘託分漁父優哉游哉爰居爰處  
月明星稀天高氣寒桂旗翠旌珮玉鳴鸞濯纓醴泉被服蕙蘭思從二  
女適彼湘沅靈幽聽微一作遠誰觀玉顏灼灼春華綠葉含丹日月逝矣  
惜爾華繁

清風肅肅脩夜漫漫嘯歌傷懷獨寐寤言臨觴拊膺對食忘餐世無萱

草令我哀歎鳴鳥求友谷風刺愆重華登庸帝命凱元鮑子傾蓋仲父  
佐桓回濱嗟虞敢不希顏志存明規匪慕彈冠我心伊何其芳若蘭

詠懷八十二首

阮嗣宗詠懷詩傳之既久頗存偽闕世之較錄者往往肆爲補綴作者之本旨淆亂甚矣今以諸本參校其義稍優者爲正文互異者分註於

馬下

夜中不能寐起坐彈鳴琴薄帷鑒明月清風吹我襟

文選作約

孤鴻號外野

翔

文選作朔

鳥鳴北林徘徊將何見憂思獨傷心

二妃遊江濱逍遙從風翔

從選詩補註作順

交甫解佩環

文選作懷環珮

婉孌有芬芳猗靡

情歡愛千載不相忘傾城迷下蔡容

或作客

好結中腸感激生憂思謾

文選

設作草樹蘭房蘭

文選作膏

沐爲誰施其雨怨朝陽如何金石交

石宋刻玉臺作謾誤今從文選

一

旦更離傷

嘉樹下成蹊東園桃與李秋風吹飛藿零落從此始繁華有憔悴堂上  
生荆杞驅馬舍之去去上西山趾一身不自保何況戀妻子凝霜被野  
草歲暮亦云已

天馬出西北由來從東道春秋非有託富貴焉常保清露被皐蘭凝霜



霑野草朝爲媚

五臣作美

少年夕暮成醜老自非王子晉誰能常美好

平生少年時輕薄好紆歌西遊咸陽中趙李相經過娛樂未終極白日

忽蹉跎

文選作跎

驅馬復來歸反顧望三河黃金百鎰

文選作溢

盡資用常苦多

北臨太行道失路將如何

按漢書何並傳輕俠趙李欸多畜賓客以氣力漁食閭里並曰趙李傑惡當得其頭以謝百姓是也梁王筠詩舉鞭向趙李亦指

趙季李欸而言楊升菴謂谷永傳小臣趙李從微賤尊寵成帝常與微行非是

昔聞東陵瓜近在青門外連畛距阡陌子母相鈎

文選作拘

帶五色曜朝日

嘉賓四面會膏火自煎熬多財爲患害布衣可終身寵祿豈足賴

炎暑惟茲夏三旬將欲移芳樹垂綠葉青

文選作清

雲自透迤四時更代謝

日月遞參差

文選作差馳

徘徊空堂上怵怛莫我知願覩卒歡好不見悲別離

灼灼西隕日餘光照我衣迴風吹四壁寒鳥相因依周周尙銜羽蛩蛩

亦念飢如何當路子磬折忘所歸豈爲夸譽名憔悴使心悲寧與燕雀

翔不隨黃鵠飛黃鵠遊四海中路將安歸

步出上東門北望首陽岑下有采薇士上有嘉樹林良辰在何許凝霜

霑衣襟寒風振山岡玄雲起重陰鳴鴈飛南征鵲鳩發哀音素質游商



聲悽愴傷我心

北里多奇舞濮上有微音輕薄閒游子俯仰乍浮沈捷徑從狹路僂

趨文選作趣

荒淫焉見王子喬乘雲翔鄧林獨有延年術可以

五臣作用

慰我心

湛湛長江水上有楓樹林皐蘭被徑路青驪逝駸駸遠望令人悲春氣感我心三楚多秀士朝雲進荒淫朱華振芬芳高蔡相追尋一爲黃雀

哀淚下誰能禁

昔日繁華子安陵與龍陽天天桃李花灼灼有輝光悅

或作恍

懌藝文類聚作澤若

九春磬

或作聲

折似秋霜流盼發姿媚

或作媚姿

言笑吐芬芳攜手等歡愛夙

或作宿

昔同衾

文選作衣

裳願爲雙飛鳥比翼共翱翔丹青著明誓永世

五臣作千載

不相忘

登高臨四野北望青山阿松柏翳岡岑飛鳥鳴相過感慨懷辛酸怨毒

常苦多李公悲東門蘇子狹三河求仁自得仁豈復歎咨嗟

開秋兆涼氣蟋蟀鳴牀帷感物懷殷憂悄悄令心悲多言焉所告繁辭

將訴誰微風吹羅袂明月耀清暉晨雞鳴高樹命駕起旋歸

昔年十四五志尙好書詩

詩紀作詩書

被褐懷珠玉顏閔相與期開軒臨四野

登高望所思丘墓蔽山岡萬代

集一作世

同一時千秋萬歲後榮名安所之

乃悟

文選作悞

羨門子噉噉令

文選作今

自咄

文選作蚩

徘徊蓬池上還顧望大梁綠水揚洪波曠野莽茫茫走獸交橫馳飛鳥

相隨翔是時鶉火中日月正相望朔風厲嚴寒陰氣下微霜羈旅無儔

文選作疇

匹俛仰懷哀傷小人計其功君子道其常豈惜終憔悴詠言著斯

章

獨坐空堂上誰可與歡者出門臨永路不見行車馬登高望九州悠悠

分曠野孤鳥西北飛離獸東南下日暮思親友晤言用自寫

懸車在西南羲和將欲傾流光耀四海忽忽至夕冥朝爲咸池暉蒙汜

受其榮豈知

集作放

窮達士一死不再生視彼桃李花誰能久熒熒君子

在何許歎息

集作曠世

未合并瞻仰景山松可以慰吾情

西方有佳人皎若白日光被服纖羅衣左右珮雙璜修容耀姿美順風

振微芳登高眺所思舉袂當

或作向

朝陽寄顏雲霄閒揮袖凌虛翔飄飄

恍惚中流眄顧我傍悅懌未交接晤言用感傷

楊朱泣歧路墨子悲染絲揖讓長離別飄飄難與期豈徒燕婉情存亡  
誠有之蕭索人所悲甌鬲不可辭趙女媚中山謙柔愈見欺嗟嗟塗上  
士何用自保持

於心懷寸陰羲陽將欲冥揮袂撫長劍仰觀浮雲征雲間有玄鶴抗志

揚哀聲一飛冲青天曠世不再鳴豈與鶉鷃遊連翩戲中庭

唐人所書與世所傳多異其一篇云放心懷寸陰羲和將欲冥揮袂撫長劍仰觀浮雲行雲間有立鵠抗首揚哀聲一飛冲青天疆世不再鳴安與鶉鷃徒翩翩戲中庭孔宗翰亦有本與此多同

京師曹氏家藏阮步兵詩一卷

夏后乘靈輿夸父爲鄧林存亡從變化日月有浮沈鳳皇鳴參差伶倫  
發其音王子好簫管世世相追尋誰言不可見青鳥明我心

東南有射山汾水出其陽六龍服氣輿雲蓋切

一作覆

天綱仙者四五人

逍遙晏蘭房寢息一純和呼噓成露霜沐浴丹淵中炤耀日月光豈安

通集作靈臺游瀆去高翔

殷憂令志結怵惕常若驚逍遙未終晏朱陽

詩紀作華

忽西傾蟋蟀在戶牖

蟋蟀鳴中庭心腸未相好誰云亮我情願爲雲間鳥千里一哀鳴三芝

延瀛洲遠遊可長生

拔劍臨白刃安能相中傷但畏工言子稱我三江旁飛泉流玉山懸車  
棲扶桑日月經千里素風發微霜勢外編作世路有窮達咨嗟安可長

朝登洪城顛日夕望西山荆棘被原野羣鳥飛翩翩鸞鷟時集作棲宿特

性命有自然建木誰能近射干復嬋娟不見林中葛延蔓相勾連

周鄭天下交街術當三河妖冶閒都子煥耀何芬葩立髮發一作朱顏照

睇眄有光華傾城思一顧遺視來相誇初學作過願爲三春遊朝陽忽蹉跎

盛衰在須臾離別將如何

若花一作木耀四一作西海扶桑翳瀛洲日月經天塗明暗不相讐集作倅窮

達自有常得失又何求豈效路上童攜手共遨遊陰陽有變化誰云沈

不浮朱鸞躍飛泉夜飛過吳洲俛仰運天地再撫四海流繫累名利場

驚駿同一轡豈若遺耳目升遐去殷憂

昔余遊大梁登于黃華顛共工宅立冥高臺造青天幽荒邈悠悠悽愴

懷所憐所憐者誰子明察自照妍一作應自然應龍沈冀州妖女不得眠肆侈



一作倭陵世俗豈云永厥年

驅車出門去意欲遠征行征行安所如背棄夸與名夸名不在已但願  
適中情單帷蔽皎日高樹隔微聲讒邪使交疏浮雲令晝冥嫵婉同衣  
裳一顧傾人城從容在一時繁華不再榮晨朝奄復暮不見所歡形黃  
鳥東南飛寄言謝友生

駕言發魏都南向望吹臺簫管有遺音梁王安在哉戰士食糟糠賢者  
處蒿萊歌舞曲未終秦兵已復來夾林非吾有朱宮生塵埃軍敗華陽  
下身竟爲土灰

朝陽不再盛白日忽西幽去此若俯仰如何似九秋人生若塵露天道  
邈悠悠齊景升丘山涕泗紛交流孔聖臨長川惜逝忽若浮去者余不  
及來者吾不留願登太華山上與松子遊漁父知世患乘流泛輕舟

一日復一夕一夕復一朝顏色改平常精神自損消胸中懷湯火變化  
故相招萬事無窮極

一作理

知謀苦不饒但恐須臾間魂氣隨風飄終身

履薄冰誰知我心焦

一日復一朝一昏復一晨容色改平常精神自飄淪臨觴多哀楚思我故時人對酒不能言悽愴懷酸辛願耕東臯陽誰與守其真愁苦在一時高行傷微身曲直何所爲龍蛇爲我鄰

世務何繽紛人道苦不遑壯年以時逝朝露待太陽願攬羲和轡白日不移光天階路殊絕雲漢邈無梁濯髮暘谷濱遠遊崑嶽傍登彼列仙岵採此秋蘭芳時路烏足爭太極可翱翔

誰言萬事躋逍遙可終生臨堂翳華樹悠悠念無形彷徨思親友倏忽復至冥寄言東飛鳥可用慰我情

嘉時在今辰零雨灑塵埃臨路望所思日夕復不來人情有感慨蕩漾焉能排揮涕懷哀傷辛酸誰語哉

炎光延萬里洪川蕩湍瀨彎弓掛扶桑長劍倚天外泰山成砥礪黃河爲裳帶視彼莊周子榮枯何足賴捐身棄中野烏鳶作患害豈若雄傑士功名從此大

壯士何慷慨志欲威八荒驅車遠行役受命念自忘良弓挾烏號明甲

有精光臨難不顧生身死魂飛揚豈爲全軀士效命爭戰場忠爲百世榮義使令名彰垂聲謝後世氣節故有常

混元生兩儀四象運衡璣噉日布炎精素月垂景輝晷度有昭回哀哉人命微飄若風塵逝忽若慶雲晞脩齡適余願光寵非已威安期步天路松子與世違焉得淩霄翼飄飄登雲湄嗟哉尼父志何爲居九夷

天網彌四野六翮掩不舒隨波紛綸客

集作落

汎汎若浮鳧

一作鷗鷺

生命無

期度朝夕有不虞列仙停脩齡養志在沖虛飄飄雲日間邈與世路殊榮名非已寶聲色焉足娛採藥無旋返神仙志不符逼此良可惑令我久躊躇

王業須良輔建功俟英雄元凱康哉美多士頌聲隆陰陽有舛錯日月不常融天時有否泰人事多盈沖園綺遜南嶽伯陽隱西戎保身念道真寵耀焉足崇人誰不善始尠能尠厥終休哉上世士萬載垂清風鴻鵠相隨飛飛適荒裔雙翮臨長風須臾萬里逝朝餐琅玕實夕宿丹山際抗身青雲中網羅孰能制豈與鄉曲士携手共言誓

從藝文定正



儔物終始殊修短各異方琅玕生高山芝英耀朱堂熒熒桃李花成蹊  
將夭傷焉敢希千術三春表微光自非淩風樹憔悴烏一作要有常

幽蘭不可佩朱草爲誰榮脩竹隱山陰射干臨增城葛藟延幽谷緜緜  
瓜瓞生樂極消靈神哀深傷人情竟知憂無益豈若歸太清

鷺鳩飛桑榆海鳥運天池豈不識宏大羽翼不相宜招搖安可翔不若  
棲樹枝下集蓬艾間上遊園圃籬但爾亦自足用子爲追隨此首藝文類聚所載與今本不同而義意近優觀李善文選注江文通擬詠懷詩所引與藝文同亦一證也今從藝文定正

生命辰安在憂戚涕沾襟高鳥翔山岡鷺雀棲下林青雲蔽前庭素琴  
悽我心崇山有鳴鶴豈可相追尋

鳴鳩嬉庭樹焦明遊浮雲焉見孤翔鳥翩翩無匹羣死生自然理消散

何續紛漢魏詩集合前爲一首

步遊三衢旁惆悵念所思豈爲今朝見恍惚誠有之澤中生喬松萬世

未一作安可期高鳥摩天飛淩雲共遊嬉豈有孤行士垂涕悲故時

清露爲凝霜華草成蒿萊誰云君子賢明達集作安可能乘雲招松喬

呼噓永矣哉

丹心失恩澤重德喪所宜善言焉可長慈惠未易施不見南飛鷺羽翼  
正差池高子怨新詩三閭悼乖離何爲混沌氏倏忽體貌隳

十日出暘谷弭節馳萬里經天耀四海倏忽潛濛汜誰言焱炎久遊沒

何行俟逝者豈長生亦去荆與杞千歲猶崇朝一餐聊自己一作百金子是非

得失間焉足相譏理計利知術窮哀情遽一作克能止

自然有成理生死道無常智巧萬端出大要不易方如何夸毘子作色

懷驕腸乘軒驅良馬憑几向膏粱被服纖羅衣深榭設閑房不見日夕

華翩翩飛路傍

夸談快憤懣情一作情慵發煩心西北登不周東南望鄧林曠野彌九州

崇山抗高岑一餐度萬世千歲再浮沈誰云玉石同淚下不可禁

人言願延年延年欲焉之黃鵠呼子安千秋未可期獨坐山嵒中惻愴

懷所思王子一何好猗靡相攜持悅懌猶今辰計校在一時置此明朝

事日夕將見欺今本作潛見安能處山嵒在一時置此明朝事日夕將見欺